



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u februaru 2025. godine




Monetarna kretanja u februaru 2025. godine

Ukupna novčana masa (M2) na kraju februara 2025. godine iznosila je 39,01 milijardu KM, i u odnosu na prethodni mjesec registrovano je povećanje novčane mase za 72,7 miliona KM (0,2%). Povećanje novčane mase (M2) rezultat je povećanja novca (M1) za 111,4 miliona KM (0,5%) i smanjenja kvazi novca (QM) za 38,7 miliona KM (0,3%). U strukturi novca (M1), došlo je do povećanja gotovine izvan banaka za 65,8 miliona KM (1,0%) kao i prenosivih depozita u domaćoj valuti za 45,6 miliona KM (0,3%). Ostali depoziti u domaćoj valuti su povećani za 63,5 miliona KM (2,0%), dok su prenosivi depoziti u stranoj valuti smanjeni za 7,6 miliona KM (0,2%), a ostali depoziti u stranoj valuti za 94,6 miliona KM (1,2%), što je rezultiralo smanjenjem kvazi novca (QM).

Na godišnjem nivou, porast novčane mase (M2) u februaru 2025. godine iznosio je 3,03 milijarde KM (8,4%). Rast je ostvaren kod gotovine izvan banaka za 313,9 miliona KM (4,9%), kod prenosivih depozita u domaćoj valuti za 2,01 milijardu KM (13,3%), kod prenosivih depozita u stranoj valuti za 73,2 miliona KM (1,8%), kod ostalih depozita u domaćoj valuti za 400 miliona KM (13,8%) i kod ostalih depozita u stranoj valuti za 233,9 miliona KM (3,1%).

Monetarni agregati



Protustavka povećanju novčane mase (M2) na mjesečnom nivou u februaru 2025. godine u iznosu od 72,7 miliona KM (0,2%) je smanjenje neto strane aktive (NSA) za 199,3 miliona KM (0,9%) i povećanje neto domaće aktive (NDA) za 271,9 miliona KM (1,6%). Porast novčane mase (M2) na godišnjem nivou od 3,03 milijarde KM (8,4%) rezultat je porasta neto strane aktive (NSA) za 1,26 milijardi KM (6,1%) i neto domaće aktive (NDA) za 1,77 milijardi KM (11,6%).

Monetarni pregled

	Stanje u mil. KM II 2025	Mjesečne promjene u mil. KM			Godišnje stope rasta u %		
		XII 2024	I 2025	II 2025	XII 2024	I 2025	II 2025
Aktiva							
1. Neto strana aktiva	21.907,3	262,0	-177,8	-199,3	8,7	7,2	6,1
1.1. Strana aktiva	23.852,0	269,1	-226,4	-155,7	10,0	8,7	7,9
1.2. Strana pasiva	-1.944,7	-7,1	48,6	-43,5	27,4	30,0	32,6
2. Neto domaća aktiva	17.104,2	595,0	-15,7	271,9	10,2	11,1	11,6
2.1. Potraživanja od centralne vlade (neto), kantona i opština	1.529,5	458,3	38,1	110,7	79,2	78,4	77,6
2.2. Potraživanja od domaćih sektora	24.878,1	248,2	-45,8	243,1	9,4	9,5	9,6
2.3. Ostale stavke	-9.303,4	-111,4	-8,1	-81,8	14,8	13,3	13,0
Pasiva							
1. Novčana masa (M2)	39.011,5	857,1	-193,6	72,7	9,3	8,9	8,4
1.1. Novac (M1)	23.912,5	735,4	-309,1	111,4	11,5	11,3	10,8
1.2. Kvazi novac (QM)	15.099,1	121,7	115,5	-38,7	6,0	5,2	4,9

Kreditni

Ukupni krediti domaćim sektorima na kraju februara 2025. godine iznosili su 26,07 milijardi KM i u odnosu na prethodni mjesec zabilježeno je povećanje kredita od 302 miliona KM (1,2%). Kreditni rast je registrovan kod sektora stanovništva za 101,9 miliona KM (0,8%), kod privatnih preduzeća za 186 miliona KM (1,8%) i kod vladinih institucija za 58,5 miliona KM (4,6%). Krediti su na mjesečnom nivou smanjeni kod nefinansijskih javnih preduzeća za 35,9 miliona KM (5,3%) i kod ostalih domaćih sektora za 8,4 miliona KM (2,6%).

Godišnja stopa rasta ukupnih kredita u februaru 2025. godine iznosila je 10,1%, nominalno 2,4 milijarde KM. Godišnji rast kredita registrovan je kod sektora stanovništva za 1,13 milijardi KM (9,5%), kod privatnih preduzeća za 890,1 milion KM (9,0%), kod vladinih institucija za 249,1 milion KM (22,9%), kod nefinansijskih javnih preduzeća za 50,8 miliona KM (8,5%) i kod ostalih domaćih sektora za 78,7 miliona KM (34,0%).

Sektorska struktura kredita

	Stanje u mil. KM II 2025	Mjesečne promjene u mil. KM			Godišnje stope promjene u %		
		XII 2024	I 2025	II 2025	XII 2024	I 2025	II 2025
Ukupno	26.066,2	250,7	-61,5	302,0	9,8	9,8	10,1
Od toga:							
Stanovništvo	13.021,8	47,3	40,1	101,9	9,3	9,4	9,5
Privatna preduzeća	10.750,1	58,1	-84,3	186,0	9,0	8,8	9,0
Vladine institucije	1.338,1	9,6	-12,7	58,5	16,4	16,1	22,9
Javna preduzeća	645,6	122,5	-15,2	-35,9	12,9	12,2	8,5
Krediti ostalim domaćim sektorima	310,5	13,3	10,6	-8,4	26,9	36,4	34,0

Depoziti

Ukupni depoziti domaćih sektora na kraju februara 2025. godine iznosili su 33,83 milijarde KM i u odnosu na prethodni mjesec depoziti su smanjeni za 43,8 miliona KM (0,1%). Smanjenje depozita na mjesečnom nivou registrovano je kod vladinih institucija za 41,8 miliona KM (1,0%), kod privatnih preduzeća za 335,9 miliona KM (4,1%) i kod nefinansijskih javnih preduzeća za 29,2 miliona KM (1,5%). Depoziti su povećani kod sektora stanovništva za 329,7 miliona KM (1,9%), i kod ostalih domaćih sektora za 33,3 miliona KM (1,7%).

Godišnja stopa rasta ukupnih depozita u februaru 2025. godine iznosila je 7,8%, što je u apsolutnom iznosu 2,44 milijarde KM. Godišnji rast depozita registrovan je kod sektora stanovništva za 1,68 milijardi KM (10,3%), kod privatnih preduzeća za 754,9 miliona KM (10,6%) i kod ostalih domaćih sektora za 220 miliona KM (12,3%). Depoziti su na godišnjem nivou smanjeni kod nefinansijskih javnih preduzeća za 62,6 miliona KM (3,1%) i kod vladinih institucija za 145,2 miliona KM (3,5%).

Sektorska struktura depozita

	Stanje u mil. KM II 2025	Mjesečne promjene u mil. KM			Godišnje stope promjene u %		
		XII 2024	I 2025	II 2025	XII 2024	I 2025	II 2025
Ukupno	33.827,7	607,6	0,6	-43,8	8,8	8,4	7,8
Od toga:							
Stanovništvo	18.029,5	413,2	48,5	329,7	9,9	9,8	10,3
Privatna preduzeća	7.849,1	193,7	81,8	-335,9	14,3	13,3	10,6
Vladine institucije	3.995,5	-76,5	-120,2	-41,8	-3,3	-2,6	-3,5
Javna preduzeća	1.946,0	47,3	-21,2	-29,2	5,4	0,5	-3,1
Depoziti ostalih domaćih sektora	2.007,5	29,9	11,7	33,3	9,9	9,8	12,3

Devizne rezerve

Devizne rezerve Centralne banke BiH na kraju februara 2025. godine iznosile su 17,03 milijarde KM i na godišnjem nivou su povećane za 998,1 milion KM (6,2%).